



*Kemennadenn d'ar*

# GAZETENNERIEN

**D'ar Gwener 19 a viz Genver 2018**

e Karaez

## **Ar Rannvro o weladenniñ lise Diwan**

**Ar Prezidant Chesnais-Girard a gadarna e skoazell da  
Ziwan hag ar fed ma vo digoret un eil lise e Gwened a-  
benn nebeud**

**Pa'z eo ar C'huzul-rannvro unan eus ar re a sikour ar c'helenn dre soubidigezh abaoe ar penn kentañ, ez eus fellet da Loïg Chesnais-Girard mont da Garaez evit komz, eus un tu, gant renerien Diwan diwar-benn stad ar rouedad dre vras, hag eus an tu all gant skipailh pedagogel al lise, diwar-benn an doare ma vez degemeret al liseidi, ma vez graet berzh gant ar re-se en o studioù, hag ivez eus an doare ma ya al lise en-dro hag ar mod ma vo kresket a-benn nebeud.**

Staliet eo lise Diwan e **Kerampuilh** (5 600 m<sup>2</sup>), a zo **e dalc'h ar Rannvro abaoe 2010**. Er bloaz-mañ e vez degemeret ennañ **380 a liseidi** (pa oa 362 warlene) deuet eus skolajoù Diwan 4 departamant (Penn-ar-Bed, Aodoù-an-Arvor, Mor-Bihan ha Liger-Atlantel). Eno e vez roet bod ivez da skipailh-red a skoazell deknikel ar Rannvro (EMAT) hag ivez da ti-degemer Kerampuilh. Er gevredigezh AILES eo bet fiziet ar garg merañ an ti-degemer-se gant ar Rannvro.

Sikouret e vez al lise gant ar Rannvro koulz evit ar **mont en-dro** pemdez (**ouzhpenn 250 000 € ar bloaz**) hag evit **ar savadurioù**, diwar se ez eus gallet lakaat al lise da vont diouzh kresk an niver a liseidi.

### **Adkempenn ur savadur vak hag an ti-diavaezidi**

E meur e soñj d'ober **labourioù astenn** war an tachennoù a zo d'ar Rannvro abalamour da c'hallout respont diouzh ar gwellañ da ezhommoù implijerien al lec'h.

Emañ ar Rannvro e-sell da **adkempenn ur savadur kreiz hag a zo vak evit ar mare** ha da **vodernaat ar savadur lec'h m'emañ an ti-diavaezidi**.

E miz Gouere e oa bet echuet gant ar studiaden programmiñ graet gant sikour al lise hag emeur o sevel ar **programm teknikel dre ar munud**.

Gant an holl labourioù, sikouret gant **3 M€** a-berzh ar Rannvro, e vo gallet **adframmañ an obererezhioù hag ar monedone e-barzh Kerampuilh**, da skouer e vo savet ur **gwir greizenn**

**teuliaouiñ ha titouriñ** (KTT), **salioù buhez skol** tost ouzh ar rann yec'hed-dizarbenn kresket. Ul **lec'h a-ratozh** a vo evit **ar gelennerien**, war un dro tost ouzh ar gKTT, ar velestradurezh hag ar salioù-kelenn.

Sellet a ra ar raktres ivez ouzh ar **salioù skiantoù**, an holl war ar memes live en estaj diwezhañ. Pa'z eo bet staliet ar wienn optikel el lise e vo gallet lakaat ennañ binvioù urzhiataerezh a-zoare. Bez' e vo ivez **ur sal sonerezh** nevez.

Gant an holl labourioù-se e vo gwellaet mont en-dro al lise hag aesaet an traoù war ar pemdez evit an implijerien.

Degas a reomp da soñj deoc'h e oa bet graet **labourioù bras** gant ar Rannvro e **2013** e Kerampuilh, evit **astenn ha nevesaat an ti-degemer (350 gwele)** : lakaet e oa bet **1,1 M€ evit nevesaat ha 4,3 M€ evit sevel un ti nevez**.

### **Un eil lise da vezañ digoret e Gwened**

Gouestlet he doa ar Rannvro en ober : bez' e vo un eil lise Diwan e Gwened, e-barzh **savadurioù hag a zo anezho dija**, a c'hallo klotañ gant ezhommoù **ar gevredigezh e Su Breizh**. Ar pezh emeur e-sell da ginnig eo digeriñ al lise war an dachenn a zo d'ar Rannvro lec'h ma vo lojet, a-hend-all, meur a servij rannvroel staliet e Gwened.

Emañ ar Rannvro ha Diwan o labourat asambles war ar raktres e Gwened.

### **Ar Rannvro skoaz-ha-skoaz gant Diwan**

Hiziv ez eus bet un emgav e Karaez, eno e oa **Isabelle Pellerin**, Besprezidantez evit al liseoù, ha **Lena Louarn**, Besprezidantez evit yezhoù Breizh, e-giz-se en deus gallet Loïg Chesnais-Girard kadarnaat skoazell ar Rannvro d'ar gevredigezh, a zo ur benveg eus ar pouezusañ evit diorren ar brezhoneg, kement-se da-geñver darempredoù eus ar re wellañ, hag ivez ar youl da sikour Diwan da zalc'her da vont war-raok ha pa'z eo diaes an traoù er mareoù-mañ (implijoù skoazellet, stad ar savadurioù...).

**Stéphanie Stoll hag Anna-Vari Chapalain**, Prezidantez ha Renerez Diwan, a oar e c'hallont kontañ war skoazell ar Rannvro ha war he barregezh da sikour ha da genurzhiañ raktresoù ha dalc'hoù ar mare.

### **Ar skolioù DIWAN dre un toullad sifroù**

- > ar skol 1<sup>er</sup> digoret e 1977
- > 4 318 a skolidi e distro-skol 2017
- 1 272 anezho en eilderez
- > 47 skol, 6 skolaj hag 1 lise hiziv an deiz

#### **Contacts**

**SERVICE PRESSE** | Tél. : 02 99 27 13 54 | [presse@bretagne.bzh](mailto:presse@bretagne.bzh)

Odile Bruley (06 76 87 49 57) | Rose-Marie Louis (06 88 92 04 53) | Sylvain Le Duigou (06 42 32 13 57)

[www.bretagne.bzh/espace-presse](http://www.bretagne.bzh/espace-presse) | [@bretagne\\_presse](https://twitter.com/bretagne_presse)